

廣東通志

卷三

內閣文庫			
函	冊	號	類
四	六	三九六九	漢書
九	二	六九二	

內閣文庫			
架	冊	號	類
元	三	三九六九	漢書
二	六	六九二	
三	九	二	
(九九五卅)			

內閣文庫		
番號	漢	3969
冊數	692 (499)	
函號	291	97



廣東通志卷第三

事紀一

周

秦

漢

三國

淺草文庫

日時圖

五嶺

嶺雖逖在九州之外而聲教所暨亦云久矣顧
 索堙物莫稽而益紀山海番禺之桂爰始為舟
 則其通于中國蓋帝世也故伏生尚書大傳首言
 堯撫交趾定為荒服舜沈四海謠採未干帝德之
 光不冒海隅日出厥有徵哉大禹平水土而方物
 致自南海成湯域四方而獻令正及南裔然夏商
 忠賢文獻罕存六籍以來所可紀者亦惟自周迄
 今焉爾汲冢開往史之源金匱紬時政之秘備人

內

事律天時上下千有餘年凡治亂之跡祥災之變
關係揚粵者森然大備而因文見義以昭褒貶亦
可以垂鑒於無窮矣

周武王十有三年初定南海為藩服通曆王既滅殷以南海地在東南揚州之裔定為藩服乃經九服之法井牧其田野九夫為井疆理溝洫萬夫有川以距于海經界既正內公外私貫利相通而貢賦稅斂凡八蠻之距揚州者為蠻揚近荆州者為蠻荆皆貢而不稅稅惟近者若貢則有蠻隸役于校人

十有四年初通關旅蠻揚入貢通曆時貢通道于八物八蠻者天竺咳者焦僂跋踵穿胷儋耳狗軛旁春爾雅六蠻逸周書十蠻言其非一而已儋耳今儋州餘多未詳

十有六年冬大有年通曆王克殷年豐及于海外皆稔

十有八年夏王南巡狩大師陳詩至于南海通曆五月巡狩至于南岳衡山告革命以與天下更始謹權量正法度脩廢察官舉逸民周于四海於是命大師陳列國之詩以觀民風省風以作樂賞樂以成禮崇燎以升中于天祭告河岳懷柔百神其祝曰有禮崇燎以周王克事大事既獲仁人尚倚山祗之靈德以殖多罪商蠻夷戎貉咸若于仁萬方有罪惟予一人當之
神其鑿歆母渴于遠其采
詩則揚荆之音為夷樂

成王元年春藩服朝于闕門逸周書成王年十三即東宮周公為冢宰總百官以相之乃格群后于闕門藩服畢至作皇門之誥曰嗚呼下邑小國克有耆老其開告子嘉德命我辟王其有大門宗子世臣弗揚肅德訖亦有孚以獻辟勤王國王家乃今方求論釋元聖武夫蓋于王所寔助王恭明祀敷明刑用克有成用能有王于王所寔助王恭明祀敷明刑用克有成用能

聞于上下人既助厥勸報職用休俾嗣厥家王國用
寧小人用格能務稼穡咸祀天神戎兵克慎軍用克
王用奄有遠土丕承萬世子孫永被先王之靈光蓋
為求賢而謹萬國
遠土指藩服也

七年周公作周髀測景至于南海通曆周公攝政七

洛邑以為成周當天下之中俾四海貢賦道里畢均
周公問於大夫商高曰竊聞大天善數請問古者
豈立周天曆度數從出高對曰數之起法出於圓方
圓出於方方出於矩矩出於九九九八十一故折矩
以為勾廣三股脩四徑隅既方之外半其一矩環而
其盤得成三四五兩矩其長二十有五是謂定矩以
正繩偃矩以望高覆矩以測深即矩以知遠環矩以
為圓合矩以為方方地而圓天圓地方方數為典
以乃出圓筮以寫天天青黑地黃赤夫數之為筮也
青黑為表丹黃裏以象天地之位是故知地者智知
天者聖智出於勾勾出於矩夫矩之於數其裁制萬
物惟所為爾周公曰善於是立周髀以測日景明筮

王曆其後有榮方者述而成之言周公測景時北
極出地至朔方而益高南極入地至南海而益下

八年春正月己巳朔王初涖阼潘服來賓通曆初置

掌蠻夷閩貉戎狄之國使掌傳王之言而諭說焉以
和親之協來賓之禮傳其辭言凡其出入送逆之禮
節幣帛辭令而賓相之

十年越裳氏來賓通鑑外紀交趾之南有越裳氏重

君子不饗其贄政令不施君子不臣其人譯曰吾國
之黃耆曰天無烈風淫雨海不揚波三年意者中國
有聖人乎於是來朝周公致薦于宗廟使者迷其歸
途周公賜以駟車五乘皆為司南之制使者載之由
扶南林邑海際替年至其國越裳氏國在合浦西南
象郡故指南車常為先導示服遠人以正四方也

十有九年夏王初南巡狩藩服來朝通曆王撫萬邦

仲夏南至方岳柴望祭告諸侯藩服畢朝自是
仲夏南巡至于社者而鳳凰降之援琴安詩

暢而南海之南隅有鵝雛巢焉是時天
治除去治象而刑措不用蓋王者之瑞也

二十有一年春蠻揚貢翟逸周書四夷朝于成周畢
貢方物蠻揚以翟是曰王

會翟鳥雉中之文而不華者凡南人致
衆者皆北嚮蓋南人指揚州之南越言

康王十有八年王使人如楚通曆唐侯樊父楚子熊
繹幻以胄子並事康王

王命唐遷于晉為晉侯晉侯作宮而美王使人讓之
以楚越在蠻貊服用宮室不率尤靡又使人如楚戒

之由是荒服知嚮王教築室用茅率為儉嗇魯築茅
闕門而諸侯以式自是四夷賓服海內晏然興於禮

義成康之世刑措
不用者四十餘年

昭王十有六年王師伐荆次于漢通曆初楚子熊繹
辟在荆蠻篳路藍

縷姚弧棘矢以共王事為各諸侯能繹既沒其後嗣
不率周典帥群蠻為寇虐故王師伐之涉漢遇大兕

師乃還

十有九年春有星孛于紫微王帥師伐荆通曆荆猶
不服故復

伐天大暄雉兔皆震喪六師于漢竹書紀年王末年
有星孛見光五色

貫于紫微荆人早辭致于王曰願獻白雉乃密使漢
濱之人膠船以待王遂南巡狩將底于海天大暄雉

兔皆震喪六師于漢時王至中流
膠液船解王及祭公辛餘靡皆溺

穆王三十有八年徙戎于南土通曆周之興也八蠻
通道貢厥方物至王

而衰伐犬戎取其酋大夫五人歸乃遷戎于太原徙
其衆旅于南土自是荒服者不至祭公謀父將歿顧

命曰嗚呼天子女無以罪戾疾喪時二王大功女無
以嬖御固莊后女無以小謀敗大作女無以嬖御士

疾大夫卿士女無以家相亂王室而莫
恤其外尚以時中又萬國王不能從

夷王八年楚子熊渠伐揚粵通曆是時王室微諸侯
或不朝而相伐熊渠甚

得江漢間民和乃與兵伐庸揚粵
而役之自是南海事楚叛服不常

宣王二年王命召公虎平淮南之夷疆理至于南海

毛詩註疏時夷在淮南者作亂王命召公虎帥師循江漢以討平之且闢境土至于南海疆理其地俾出貢賦南方底寧蓋九州之外曰四海惟南海最遠疆理至是則盡天子之境矣

惠王六年王命楚子熊惲鎮南方夷越

德施惠結舊好於諸侯使人獻天子天子賜胙曰鎮爾南方夷越之亂無侵中國於是楚地千里南海臣服於楚其後齊桓公伐楚責苞茅之不

元王二年冬十一月丁卯越滅吳

史記越子勾踐滅吳夫差自殺乃北渡淮與齊晉諸侯會于徐州致貢于天子天子賜越子胙命為伯越於是地與楚魯宋而自有

安王十八年楚吳起帥師伐越

通曆起南平蠻越楚畧越江南地遂兼有

蒼梧蓋南海未盡臣服為越所制

顯王三十五年越伐楚楚子熊商大敗之越遂散處

江南海上是為百粵

史記初越都會稽勾踐元王四年滅吳後侵齊徙都瑯琊卒子鹿郢立是為鼫與鹿郢卒子不壽立不壽卒子朱勾立朱勾卒子翳立翳遜國於巫山之穴越人薰而出之然後為君蓋吳太伯之儔也翳卒子之侯立是為孚錯枝遷于吳被弑立莽安又被弑立無顯無顯卒子無疆立王無疆時越興師比伐齊使人諗越王曰越不伐楚大不王小不伯臣聞之喆王不王其敵乃以伯然而不伯者王道失也故願大王之轉攻楚也於是越遂釋齊而伐楚楚威王興兵而伐之大敗越殺王無疆盡取故吳地至浙江而越以此散諸侯子爭立或為王或為君濱於江南海上服朝於楚謂之百粵吳越春秋王無疆卒子王卒子尊尊卒子親親失衆楚伐之走南山親以上至勾踐凡八君都瑯琊二百二十四歲無疆以上至王王以下微弱稱君長若稱王則相讐殺自丹揚臯鄉梅里至于嶺

廣通志卷三 事紀一 正

表皆越王
子孫也

赧王三年夏四月越人聘魏竹書紀年越王使公師

及犀角象齒按竹書魏史也來獻謂聘魏也越雖散
微至是獨有稱王者是時楚困於秦蓋規圖恢復故
結好於魏耳犀角
象齒揚粵之桀也

秦始皇帝二十五年王翦悉定楚江南地越君降通曆

置會稽郡百越固未盡服
通鑑作降百越之君非是

二十六年置尉監以典南越以屠睢為南海郡尉史

祿為南海郡監南海志秦定天下為三十六郡置
尉監南越非三十六郡之限別置

南海尉以典之所謂東南一尉是也○按秦制守掌
治其郡尉掌佐守典武職中卒監御史掌監郡今南
海有尉監而無守蓋猶未服
未可拊循置守惟以兵制之

二十九年南粵叛秦書秦者何秦利南粵
南粵遂叛猶敵國也秦遣尉屠

睢將五軍監祿轉餉以討南粵南粵皆遁漢書秦欲
威海外使

討屠睢將樓船之上攻百越使監祿鑿渠運糧深入
越地越人遁逃曠日持久食盡越人擊之秦兵大敗

三十三年秦師及粵人戰秦師敗績粵人殺其將屠

睢淮南子人間訓秦皇利越之犀角象齒翡翠珠璣
乃使尉屠睢發卒五十萬為五軍一軍塞鐔城之

嶺一軍守九疑之塞一軍處番禺之都一軍守南野
之路一軍結餘干之水三年不解甲弛弩使監祿轉

餉又一卒鑿渠而通糧道以與越人戰殺西嘔君譯
吁宋而越人皆入叢薄中與禽獸處莫肯為秦置桀

駁以為將而夜攻秦人大破之殺尉
屠睢伏尸流血數十萬○嘔甌通用

三十三年遣任囂趙佗擊南越平之置三郡以任囂

為南海郡尉趙佗為龍川縣令史記發諸嘗通亡人
贅婿賈人為兵畧取

南粵陸梁地置桂林南海象郡○自是職官因事乃書尉陀將謫徙民五十萬人戍五嶺與越雜處

三十四年謫治獄吏有罪者處南越地有罪謂治獄不直及反覆獄故失者覆獄者奏當已成而覆按之也故者知其當罪與不當罪而故出入之失者誤出入也

三十七年東巡會稽望于南海越絕書始皇東遊會稽祭大禹望于海立

石頌德徙大越民置餘杭尹攻故鄣因徙天下有罪適吏民置南海故大越處以備東海外越乃更名大越曰山陰外越蓋謂東甌南越也望謂祀四望也

二世皇帝元年以女無夫家者萬五千人予南越史記

秦使尉陀踰五嶺安百越佗知中國勞極使人上書求女無夫家者三萬人以為士卒補秦皇帝何其萬五千人於是百姓離心瓦解欲為亂者十家而七○子與通同

二年番禺令吳芮率百越以伐秦漢書吳芮秦時番禺令也其出江湖

問民心號曰番禺君天下初叛秦也諒布歸芮芮妻之因率越人舉兵以應諸侯及項羽相王以芮率白越佐諸侯從入關仍立芮為衡山王按秦自羈縻南越叛服不常至是比十有三歲其踰嶺而北者屬芮○番禺蒲何反即今江西鄱陽

漢太祖高皇帝元年冬十月五星聚于東井南越志

天文曰秦方喪亂此十一月粵將軍梅銷帥戶將胡

害隊將搖毋餘從漢王破秦兵入關漢書梅銷番禺君將也帥越戶將

胡害隊將搖毋餘從破秦人關定三秦漢南海尉任

王拜胡害毋餘皆為都尉將兵擊項籍

置卒趙佗代為尉舉兵絕道殺秦所置長吏擊并桂林象郡通鑑器病且死召佗語曰聞陳勝等作亂豪傑叛秦相立天下未知所安南海辟遠恐盜

兵侵地至此吾欲興兵絕新道自備待諸侯變會疾
 甚且番禺負山險阻南海東西數千里頗有中國人
 相輔此亦一州之主也即被佗書行南海郡中長吏亡足與
 謀者故召公告之即被佗書行南海郡中長吏亡足與
 移徵告橫浦陽山黃谿關曰盜兵且至急絕道聚
 自守因討以法誅秦所置吏以其黨為假守秦已破
 滅佗即擊并
 桂林象郡 佗改南海為南武自立為南武王都番
 禺 史記漢書俱作南粵武王謂武為謚非也佗
 改南海為南武耳自立非王命故不書元年
 五年遙奪南海郡屬長沙國 漢書詔曰故衡山王吳
 從百越之兵以佐諸侯誅暴秦有大功諸侯立以為
 王項羽侵奪之地謂之番君其以長沙豫章象郡桂
 林南海立番君芮為長沙王○是時豫章屬黔
 布象郡桂林南海屬趙佗芮之所有獨長沙耳
 六年春三月庚子封越將梅鋗胡害搖毋餘皆為列
 侯 漢書鋗以功大最先封臺侯二千戶至是合
 傳胡害封背侯搖毋餘封海陽侯千六百戶

十一年

南越武王趙佗元年

五月遣陸賈封佗為南粵王

漢書帝已

定天下為中國勞苦故釋佗不誅至是記曰粵人之
 俗好相攻擊前時秦徙中縣之民南方三郡使與百
 粵雜處會天下誅秦南海尉佗居南方長治之甚有
 文理中縣人以攻不耗城粵人相攻擊之俗益止俱賴
 其力今立佗為南粵王與剖符通使陸賈即授璽
 綬使和輯百粵毋為南邊害○中縣之民中國縣民
 也秦始皇畧取疆梁地以為桂林南海象
 郡故曰三郡即就也就其所居而立之 佗築城以
 待陸賈 南越志佗未即前賈築 陸賈至南越佗遂受
 封稱臣始襲冠冕 因說佗曰足下中國人親戚兄弟
 寶墓在真定今足下反天性棄冠帶欲以區區之越
 與天子抗衡為敵國禍且及身矣夫秦失其正諸侯
 豪傑並起唯漢王先入關據咸陽項籍背約自立為
 西楚霸王諸侯皆屬可謂至強矣然漢王起巴蜀鞭
 笞天下劫諸侯遂誅項羽五年之間海內平定此非
 人力天之所建也天子聞君王南越而不助天下

誅暴逆將相欲移兵而誅王天子憐百姓新勞苦且
 休之遣臣授若印符通使君王宜郊迎北臣
 乃欲以新造未集之越屈疆於此漢誠聞之掘燒
 王先人冢墓夷種宗族使一偏將將十萬眾臨越
 越殺王降漢如反覆手耳於是問賈曰我孰與蕭何
 曰君蠻夷中久殊失禮義因問賈曰我孰與蕭何
 參韓信賢賈曰王似賢也復問曰我孰與皇帝賢
 曰皇帝起豐沛討暴秦誅疆楚為天下興利除害繼
 五帝三皇之業統天下理中國中國之人以億計地
 方萬里居天下之膏腴人象車輿萬物設富政出一
 家自天地剖判未始有也今王衆不過數萬皆蠻夷
 崎嶇山海間譬若漢一郡上何乃比於漢仲大笑曰
 吾不起中國故王此使我君中國何遽不若漢也
 說賈番與飲數月曰越中無足與語至生來令我
 聞所不聞賜賈橐中裝百千金送亦千金賈卒拜
 佗為南越王令稱臣奉漢約歸報帝大說拜賈為大
 中大夫自是佗始變唯結襲冠冕焉○南越王遣使
 進音椎結與髻同其正之正與政同○南越王遣使
 貢獻西京雜記南越王尉佗獻高祖鮫魚荔枝高祖
 報以蒲桃錦四尺○書王不名者何僭則名之

受命則王南越王築朝臺以朝漢水經註佗築朝臺
 之後倣此南越王築朝臺以朝漢水經註佗築朝臺
 在州城東北三十里與舊志不同

十二年春二月立南武侯織為南海王漢書詔曰南

之世也立以為南海王○按高帝五年以象郡桂林
 南海長沙立吳芮為長沙王象郡桂林南海屬尉佗
 佗未降遙虛奪以封芮耳後佗降漢十一年更立佗
 為南越王自此王三郡芮唯得長沙桂林零陵耳今
 復封織為南海王復遙奪佗一郡織未得三之大事
 記解題高帝已封趙佗為南越王王桂林象郡南海
 三郡今又分南海以封織者蓋蠻夷貴種姓織既越
 之世輔以中國之威佗必不能拒所以折其地殺其
 勢也地道記交趾郡羸陵南越擊交趾維越地取之
 縣南武侯織始居於此南越擊交趾維越地取之
 交州外域記交趾昔未為郡縣有維田浚潮水上下
 民墾食之因各為雜民設維王為君次為維將後蜀
 王子將兵三萬來討後服之立為安陽王後南越王
 佗舉眾攻安陽王安陽王有臣卑通善治神弩一發

輒殺三百人佐知不可戰却軍住武寧縣造世子始
為質下安陽王稱臣事之安陽王有女名曰眉珠見
始端正與始交通始問眉珠令取父弩視之始見弩
便竊以鋸截斷之逃歸報作佗進兵攻之安陽王發
弩弩折遂敗南越遂有維越○安陽王下無逕出於
海今平道縣後王之宮城見有故處武寧縣晉太康
地記縣屬交趾

孝惠皇帝元年南海王織不克就國大事記解題南越傳無織就國

織之事蓋會高帝崩不及終之耳今接淮南王傳嘗與
織相攻蓋居于淮南亦中而百越之民從吳芮不能
歸者屬焉

二年秋七月南越王稱臣奉首遣使賚南越

高皇后呂氏元年夏四月丙寅封中大夫張買為南宮侯漢書買父

越人也為高帝騎將從軍有功卒以買為中大夫至
丞相審食其言之乃封買為南宮侯傳其子生嗣爵

建元初有罪為隸
臣萬六千六百戶

呂氏四年禁南越關市鐵器史記南越與長沙接境有司請禁粵關市鐵器大事記解

題四夷不王中國閉關以絕之然後貿易有禁今佗
奉貢職而有司乃有此請宜其叛也或曰不禁之是

遺之以戎器之資有司之請豈為過哉曰金以鑿鑄
以田鐵豈特用於戎器哉推王者無外之道勿禁之

可也苟必欲禁之當於初受封之時明立條約
佗受封十餘年乃始為之禁安得不反側哉 南越

使內史藩中尉高御史平如京師皆留不遣

呂氏五年春南越王趙佗自稱南武帝史記佗曰高皇帝

后聽讒臣別異蠻夷隔絕器物此必長沙王計欲倚
中國擊滅南海而并王之自為功也於是佗乃自尊

號為南武帝南武以郡為國名也南海
王織前此已封南武侯則武非謚可見
呂氏七年南越王佗侵長沙遣將軍隆慮侯周竈擊之史記

粵發兵攻長沙邊敗數縣而去

高后遣將軍隆慮侯龜擊之

呂氏罷討南越兵佗求和于周龜

史記會暑濕士卒大疫兵不能諭領

歲餘高后崩即罷兵佗因此以兵威邊財物賂遺閩

粵西既駭役屬焉東西萬餘里迺乘黃屋左纛稱制

與中

國伴

太宗孝文皇帝元年秋遣太中大夫陸賈諭南越賜

褚衣漢書初鎮撫天下使告諸四夷從代來即位意

祀召其從昆弟尊官厚賜寵之詔丞相平舉可使粵

者平言陸賈先帝時使粵上召賈為太中大夫謂者

一人為副使賜佗書曰皇帝謹問南粵王甚苦心勞

意朕高皇帝側室之子棄外奉北藩于代道里遼遠

壅蔽樸愚未嘗致書高皇帝棄群臣孝惠皇帝即世

高后自臨事不幸有疾日進不衰以故詩暴乎治諸

呂為變故亂法不能獨制乃取佗姓子為孝惠皇帝

嗣賴宗廟之靈功臣之力誅之已畢朕以王侯吏不

釋之故不得立今即位乃

書求親昆弟請罷長沙兩將軍朕以王遺將軍隆慮

陽侯親昆弟在貞定者已遣人存問修治先人家前

日聞王發兵於邊為寇災不止當其時長沙苦之南

郡尤甚雖王之國庸獨利乎必多殺士卒傷良將吏

寡人之妻孤人之子獨人父母得一亡十朕不忍為也

朕欲定地犬牙相入者以問吏口高皇帝所以介

長沙土也朕不能擅變焉吏曰得王之治地不足以為大

得王之財不足以為富服領以南王自治之雖然王

之號為帝兩帝並立亡一乘之使以通其道是爭也

爭而不讓仁者不為也願與王分棄前患終今以來

通使如故故使賈馳諭告王朕意王亦受之母為寇

災矣上褚五十衣中褚三十衣下褚一

十衣遺王願王聽樂娛憂存問鄰國

趙佗謝罪去

帝號漢書陸賈至南粵王恐乃頌首謝願奉明詔長

俱立兩賢不血世漢皇帝賢天

子自今以來去帝制黃屋左纛

南越王上書獻方物

漢書佗為書稱蠻夷大長老夫

臣佗昧死再拜上書

皇帝陛下老夫故越吏也高皇

帝幸賜臣佗璽以為

南粵王使為外臣時內貢職孝惠皇帝即位義不忍絕所以賜老夫者甚厚高后自臨用事近細士信讒臣別異蠻夷出令曰母子蠻夷外粵金鉏田器馬牛羊即予予壯母與乳老夫處辟馬牛羊齒已長自以祭祀不脩有死罪使內史藩中尉高御史平凡三輩上書謝過皆不反又風聞老夫墳墓已壞剽兄弟宗族已誅論吏相與議曰今內不得振於漢外亡以自高異故更號為帝自帝其國非敢有害於天下也高皇後聞之大怒削去南粵之籍使使不通老夫竊疑長沙王謚臣故敢發兵以伐其邊且南方卑溼蠻夷中西有西甌其眾半羸南面稱王東有閩粵其眾數千人亦稱王西北有長沙其半蠻夷亦稱王老夫故敢妄竊帝號聊以自娛老夫身定百邑之地東西南北數千萬里帶甲百萬有餘然北面而臣事漢何也敢背先人之故老夫處粵四十九年于今抱孫焉然夙興夜寐寢不安席食不甘味目不視靡曼之色耳不聽鐘鼓之音者以不得事漢也今陛下幸哀憐復故號通使漢如故老夫不敢改號不敢為帝矣謹北面因使者獻白璧壹對翠鳥千犀角十紫貝五百桂蠹一器生翠四十雙孔雀二雙味死再拜以聞皇帝陛下

下陸賈還報文帝大說

四年淮南王長言南海王織反遣其中尉簡忌擊之漢書南海民處廬江界中者反淮南王長遣將軍簡忌將吏卒擊之上遣使者齎帛五十疋以賜吏卒勞苦者長不欲受賜謾曰無勞苦者

五年南海王織以其軍降處之上淦漢書後復反會

卒水居擊擢未戰而疾死者過半南海王織上書獻璧帛漢書南海王織上書獻璧帛皇帝簡忌擅燔其書不以聞吏請召治長不遣○按織處羈旅為長所間特寄生之君耳自是遂無聞蓋或死或為長所殺不可知也未幾而長亦謀反

孝景皇帝三年吳王濞反連南越漢書濞起兵於廣

曰寡人素事南越三十餘年其王諸君皆不離分其兵以隨寡人又可得三十萬寡人雖不肯願以身從

諸王南越直長沙者因王子定長沙以北西走蜀漢
中告越其後漢敗亡走閩越閩越攻而殺之南越
此謝罪○按南越與長沙國接界觀漢此言則佗與
漢連為日久矣漢死於閩此佗之所以藉口餘奸也
南越王遣使入朝請漢書佗稱臣遣使入朝請然其
朝命如諸侯

世宗孝武皇帝建元元年置越騎校尉漢書注如淳

以為騎也

建元四年南越王佗薨孫胡嗣漢書與七十年佗蓋百

歲矣

關堊南越武王

建元五年南越文王南越王胡猶稱帝於其國

建元六年秋閩越王郢攻南越遣大行上以入

韓安國擊之閩越人殺郢以降漢書閩越王郢與兵

子約不敢擅發兵而使入上書以聞曰兩粵俱為藩

臣毋擅興兵相攻擊今東粵擅興兵侵臣臣不敢與兵

惟天子詔云上多其義大為發兵遣兩將軍將兵誅

閩越淮南王安上書諫曰越人名為藩臣貢耐之奉

不輸大內一卒之用不給上事自相攻擊而陛下發

兵救之是以中國而勞蠻夷也是時漢兵遂出踰嶺

適會閩越王弟餘善遣中大夫莊助使南越南越世

殺王以降於是罷兵遣中大夫莊助使南越南越世

子嬰齊入宿衛漢書上嘉淮南王之意美將卒之功

安寧各繼世撫民禁毋敢相并有司疑其以虎狼之

心貪據百越之利或於逆順不奉明詔則會稽豫章

必有長患故遣兩將屯於境上震威武揚聲鄉屯會

未入會天誘其衷閩王隕命輒遣使者罷屯毋後農時

南越王頓首曰天子廼幸與兵誅閩越死無報德即

遣太子嬰齊隨助入侍宿衛曰願身從使者入謝有

狗馬之病不能勝服故遣太子嬰齊入侍病有瘳願伏此闕望大廷以報盛德謂助日國新被使使者行矣胡方日夜裝入見天子助去後其大臣諫胡曰漢興兵誅郢亦行以驚動南粵且先王言事天子期無失禮要之不可以怵好語入見入見則不得復歸亡國之勢也於是胡稱病竟不入見

元朔六年番陽令唐蒙諭南越以通夜郎漢書大行

威使番陽令唐蒙風曉南粵南粵食蒙蜀枸醬蒙問所從來曰道西北牂牁江廣數里出番禺城下蒙歸至長安問蜀賈人獨蜀出枸醬多持竊出市夜郎夜郎者臨牂牁江廣百餘步足以行船南粵以財物役屬夜郎西至桐師然亦不能臣使也蒙乃上書說上曰南越王黃屋左纛地東西萬餘里名為外臣實一州主今以長沙豫章泝水道多絕難行竊聞夜郎所有精兵可得十萬浮船牂牁出不意此制粵一奇也誠以漢之疆巴蜀之饒通夜郎道為置吏甚易上許之○後夜郎遂以南粵以與漢通聽蒙約迺以爲捷為郡
○枸音矩

南越王胡薨世子嬰齊嗣漢書後十餘歲胡實病

嬰齊嗣立即薨其先武帝文帝爾注李奇曰去其僭號也嬰齊不書元年舊史闕年月故也後凡書闕者此倣

關 葬南越文王

關 遣使諭南越用漢法

元狩二年夏南越獻馴象能言鳥大事記解題口南越之師蓋兆於此

召康公珍禽奇獸之戒至是驗矣南越遣子次公入宿衛史記嬰齊

邯鄲摻氏女生子興及即位上書請立摻氏為后興為嗣漢數使使者諷諭嬰齊猶尚樂擅殺生白恣懼入見要以用漢法比內諸侯固稱南越王嬰齊薨世

子興嗣葬南越明王漢書嬰齊粵妻生子建德封高昌侯高昌今揭陽之東漳浦也

有高昌山故名

元鼎四年遣安國少季及諫大夫終軍等諭南越入

朝漢書興立其毋為太后太后自未為嬰齊妻時嘗

使安國少季諭王王太后入朝又使諫大夫終軍使

越說其王欲令入朝此內諸侯軍自請願受長纓必

舉國內屬天子大悅賜南越大臣印綬壹用漢法以

新改其俗令使者留填撫之越相呂嘉不欲內屬發

兵攻殺其王及漢使者皆死軍死時年二十餘故世

謂之衛尉路博德將軍屯桂陽等宣其辭勇士魏軍

等輔其決衛尉路博德賜南越大臣印綬除其肉刑

將兵屯桂陽待使者史記王年少太后中國人安國少季復與私通國人頗知之多不附太后太后恐亂起亦欲倚漢威勸王及幸臣求內屬即因使書請比內諸侯侯三歲朝除邊關於是天子許之賜其丞相呂嘉銀印及內

史中尉太傅印餘得自置除其故

燧惑守南斗漢書天文志元鼎中燧惑守南斗占

王及太后漢兵

元鼎五年夏四月遣韓千秋搆樂伐南越南越相呂

嘉遂反屯兵石門禦之漢書王太后飭治行裝重

相三王宗族官貴為長吏七十餘人男盡尚王女女

盡嫁王子弟宗室及蒼梧秦王有連其居國中甚重

數諫止王王不聽有畔心數稱病不見漢使者嘉

殺漢使者及其王與王太后摻氏漢書使者注意嘉

后亦恐嘉等先事發欲介使者權謀誅嘉等置酒請

使者大臣皆侍坐飲嘉弟為將將卒居宮外酒行大

后謂嘉南粵內屬國之利而相君苦不使者何也以

激怒使者使者狐疑相狀遂不敢發嘉見耳目非是



漢書卷三

卷三

十一

即趨出太后怒欲縱嘉以矛王止太后嘉遂出介弟
 兵就舍稱病不肯見王及使者迺陰謀作亂王素亡
 意誅嘉嘉知之以故數月不發太后獨欲誅嘉等力
 又不能天子聞之罪使者怯亡決又以爲王王太后
 已附漢獨呂嘉爲亂不足與兵欲使莊參以二千
 人往參曰以好往數人足以武往二千相韓千秋奮
 也辭不可天子罷參兵郊壯士故濟北相韓千秋奮
 曰以區區粵又有王應獨呂嘉爲害願得勇士三百
 人必斬嘉以報於是天子遣千秋與王太后弟摎樂
 將二千入粵境呂嘉迺遂反下令國中曰王年
 少太后中國人又與使者亂專欲內屬盡持先王寶
 入獻天子以自媚趙氏社稷爲萬世慮之意乃與其
 弟將卒攻殺太后王盡殺漢使者遣人告蒼梧秦王
 及其諸郡縣嘉立高昌侯建德爲王以兵擊千秋等滅之
 漢書嘉立明王長男粵妻十高昌侯建德爲王而韓
 王入也破數小邑兵後粵直開道給食未至
 王爲邊畔謝罪侯兵守要害處於是

曰韓千秋雖亡成功亦軍鋒之冠封其子延年爲成
 安侯摎樂其姪爲王太后首願屬漢封其子廣德爲
 襲侯○建德不書救天下令粵人及江淮之師討南
 越漢書帝乃赦天下曰天子微弱諸侯力政議臣不
 南樓船十萬嘉建德等反自立晏如令粵人及江淮以
 師往討之 畫與蝦蟇闔衆十萬征南越開九郡此
 其紀與書秋遣伏波將軍路博德樓船將軍楊僕等
 擊南越漢書本紀遣伏波將軍路博德出桂陽下滬
 嚴爲戈船將軍出零陵下離水甲爲下賴將軍下蒼
 梧皆將罪人發夜郎兵下牂牁江咸會番禺○呂嘉
 將巴蜀罪人發夜郎兵下牂牁江咸會番禺○呂嘉
 反卜式上書曰臣聞王媿臣死羣臣宜盡死節其驚
 下者宜出財以佐軍如是則強國不犯之道也臣願
 與子男及臨菑習擊博昌習船者請行死之以盡臣
 節上賢之下詔東越兵至揭陽通鑑東越王餘善上
 賜式爵關內侯

樓船擊呂嘉兵至揭陽以海風波為解不行持兩端陰使南越

元鼎六年冬十月路博德楊僕帥師入番禺南越將

軍畢取及南海太守棄皆降于博德○博德等滅南

越獲其王建德相呂嘉漢書六年冬樓船將軍將精卒先陷尋陔破石門得粵船

粟因推而前挫粵鋒以粵數萬人待伏波將軍伏波

將軍將罪人道遠後期與樓船會迺有千餘人遂俱

進樓船居前至番禺建德嘉皆城守樓船自擇便處

居東南面伏波居西北面會暮樓船攻敗粵人縱火

燒城粵素聞伏波莫不知其兵多少伏波迺為營遣

使招降者賜印綬復縱令相招樓船力攻燒敵反毆

而入伏波營中遲旦城中皆降伏波呂嘉建德以夜

與其屬數百人入海伏波又問降者知嘉所遣

人追故其校司馬蘇弘得建德粵郎都稽得嘉戈解

下瀨將軍兵及馳義侯所發夜郎兵未下南粵已平

十月上行東將幸緱氏至左邑桐鄉聞南越破以為

聞喜縣春至汲新中鄉得呂嘉首以為獲嘉縣

侯遺兵未及下上便南越招陽令史定蒼梧上趙光

桂林監居翁皆降遂定南越地漢書蒼梧王趙光與

降桂林監居翁諭台駟四十餘萬口降遂定越地

以為南海蒼梧鬱林今浦交趾九真日南尋開珠厓

儋耳為九郡伏波將軍益封樓船將軍以摧鋒陷堅

為將梁侯自尉作王凡五世九十三歲而亡○大事

記解題南海郡今廣循潮梅惠州之地蒼梧郡今梧

封賀臨藤鬱州靜江德慶肇慶之地鬱林郡今鬱林

雷化欽廉州之地交趾今安南國交峯陸州之地九

真郡今化外愛驩長演山福祿州之地日南郡今化

外林景州之地朱崖郡今朱崖萬安軍瓊州之地儋

耳郡今昌詔立粵祠漢書是時既滅兩粵粵人勇之

化軍之地詔立粵祠乃言粵人俗尚鬼而其祠皆見

鬼數有効乃命粵巫立粵祠安臺無壇亦祠天詔

神帝百鬼而以鷄卜上信之粵祠鷄卜自此始用詔

南海以荔枝龍眼充貢遂建扶荔宮三輔黃圖扶荔

武帝元鼎六年破南越起扶荔宮以植所得奇草異
 木菖蒲石本山蓋十本甘蕉十一本白木十本桂百
 本密香指甲花百本龍眼荔枝檳榔橄欖千歲子甘
 橋皆十本土木南北異宜時歲多枯瘁荔枝自交趾
 移植百株于庭無一生者連年猶移植不息後數歲
 偶一株稍茂終無華實帝亦珍惜之一旦萎死守吏
 坐誅者十人遂不復蒔矣其實則歲貢道中尉王温
 焉郵傳者疲斃於道實為生民之患

舒將兵出梅嶺擊東越通鑑漢破番禺東越兵不至
 上以士卒勞倦不許令諸校屯豫章梅嶺以待命餘
 善聞之遂反殺漢三校尉上乃遣橫海將軍韓說出
 句章浮海從東方往僕出武林温舒出梅嶺以擊東
 越明年東越殺餘善降既滅兩越令以其故俗治毋
 賦

元封元年開交趾儋耳珠厓郡通曆在海中洲上有
 子涅刺其額女子箴繡其面古之雕題也武帝遣兵
 畧得之以為二郡山海經離耳國雕題國皆在鬱水

南林邑記漢置九郡儋耳預焉民好徒跣耳廣垂以
 為端雅男女褻露不以為羞暑褻薄日自使人黑積
 習成常以黑為美離騷所謂玄國矣然則儋耳即離
 耳也揚氏南裔異物志儋耳俱在朱崖分為東藩故
 山海經曰在鬱水南也鬱
 水又南自蠡冷縣注于海

元封四年遣術陽侯趙建德使南海坐逆不道誅漢
 封建德侯三
 千戶僅四年

元封五年初置交趾郡刺史領七郡治廣信大事記
 梧鬱林合浦交趾九真日南凡七郡按百官表漢丞
 相遣史分刺州不常置武帝元封五年初置部刺史
 掌奉詔條察州秩六百石既空南越之地置交趾刺
 史別於諸州令持節治蒼梧○交廣春秋交州治羸
 陵縣元封五年移
 治蒼梧廣信縣

征和四年交趾蠻叛殺珠厓太守孫幸幸子豹討平

之語在本傳

孝昭皇帝始元五年夏六月罷交趾儋耳郡并屬珠厓

天鳳五年秋罷交趾象郡屬鬱林牂牁

中宗孝宣皇帝神爵元年春正月交趾九真獻奇獸

漢書註獸駒形鱗色牛角三月發越騎詣金城越騎

仁而愛人或曰白象非也越人善騎射歸漢者發詣金城擊西羌屬後將軍趙充國

甘露二年交趾珠崖郡反夏四月遣護軍都尉張祿

將兵擊之漢書珠厓自初為郡至昭帝始元初二十餘年凡六反神雀三年珠厓三縣反至是

九縣皆反

孝元皇帝初元二年擊珠厓不克師還

珠厓儋耳郡在海中山洲上吏卒皆中國人多侵陵之其民亦暴惡自以阻絕數犯吏禁率數年一反殺吏漢輒發兵擊定之二十餘年間凡六反至宣帝時又而反上即位之明年珠厓山南縣反發兵擊之諸縣連年不定上博謀於羣臣欲大發兵待詔賈捐之曰臣聞堯舜禹之聖德言欲與聲教則治之不欲與者漸于海朔南暨聲教言欲與聲教則治之不欲與者不彊治也故君臣歌德含氣之物各得其宜武丁成王殷周之大仁也然地東不過江黃西不過氏羗南不過蠻荆北不過朔方是以頌聲并作視聽之物咸樂其生越裳氏重九譯而獻此非兵革之所能致也以至于秦興兵遠攻貪外虛內而天下潰畔孝文皇帝偃武行文當此之時斷獄數百賦役輕簡孝武皇帝厲兵馬以攘四夷天下斷獄萬數賦役重寇賊並起軍旅數發父戰死於前子鬪傷於後女子乘亭障孤兒號於道寡婦飲泣巷哭是皆廓地秦大征伐不休之故也今關東民衆久困流離道路人情莫親父母莫樂夫婦至嫁妻賣子濃不能禁義不能止此

社稷之憂也今陛下不忍愾愾之忿欲驅士衆擠之
大海之中快心幽寘之地非所以救助饑饉保全元
元也詩云蠢爾蠻荆大邦爲讐言聖人起則後服中
國衰則先畔自古而忠之何况乃復其南方萬里之
蠻乎駱越之人父子同川而浴相習以鼻飲與禽獸
無異本不足郡縣置也顛顛獨居一海之中霧露氣
濕多毒草蟲蛇水土之害人未見虜戰士自死又非
獨珠厓有珠犀瑇瑁也棄之不足惜不擊不損威其
民警猶魚鼈何足貪也臣竊以徃者羌軍言之暴師
曾未一年兵出不踰千里費四十餘萬萬大司農錢
盡乃以少府禁錢續之夫一隅爲不善費尚如此况
於勞師遠攻亡士毋功乎求之徃古則不合施之當
今又不便臣愚以爲非冠帶之國禹貢所及春秋所
治皆相且無以爲願遂棄珠厓專用恤關東爲憂上
以問丞相御史大夫陳萬年以爲當擊丞相及丞
定國以爲前日興兵擊之連年護軍都尉校尉及丞
凡十一人還者二人卒七及轉輸死者萬人以上費
用三萬萬餘尚未能盡降今關東困乏民難搖動捐
之議是上從之

初元三年春詔棄珠厓郡漢書詔曰珠厓虜殺吏民
背畔爲逆今廷議者或言
可擊或言可守或欲棄之其指各殊朕日夜惟思議者
之言羞威不行則欲誅之狐疑碎難則守屯田通乎
時變則憂萬民夫萬民之饑餓與遠蠻之不計危孰
大焉且宗廟之祭凶年不備况乎辟不嫌之辱哉今
關東大困倉庫空虛無以相贍又以動兵非特勞民
凶年隨之其罷珠厓郡民有慕義欲內屬便處之不
欲勿彊

孝成皇帝綏和元年春三月設交趾合浦郡都尉漢書

郡尉秦官掌佐守典武職甲卒比二千石景帝更名
都尉至是詔邊郡置都尉及千人司馬皆不治民交
趾合浦亦皆十二月罷部刺史置州牧

孝哀皇帝建平二年夏四月罷州牧復刺史
元壽二年秋七月徙北鄉侯傅晏少府董恭方湯侯

孫寵關内侯張田等于合浦

漢書孫寵右師譚嘗附大司馬董賢告東平王

后呪詛得封哀帝崩有司奏寵及譚等皆造作奸謀罪及王者骨肉雖蒙赦令不宜處爵位在中土皆免寵等徙合浦張由誣言中山太后詛上及太后哀帝崩大司徒孔光奏由前誣告骨肉立陷人人大辟為國家結怨於天下以取秩遷幸蒙赦令請免為庶人徙合浦時哀帝后傳氏退居桂宮父北鄉侯晏董賢自殺其父少府恭皆免官爵徙合浦其母將隆等別見流寓傳

孝平皇帝元始元年春正月徙郎中令冷褒黃門郎

段猶于合浦 漢書初哀帝以定陶王入為皇太子遂即位追尊定陶共王為皇太后又尊傳太后

為共皇太后丁后為共皇后褒猶奏言不宜復引定陶藩國之名以冠大號宜為共皇立廟京師有司皆以為宜如褒猶言大司空師丹獨言非尊無二上之義上用朱博議如褒猶言而廢丹為庶人至是隳廟號褒猶皆徙合浦夏五月置交趾部大司農丞勸而封丹為義陽侯

農桑

元始二年春交趾日南徼外蠻獻犀牛○以錫光為

交趾太守 漢書凡交趾所統雖置郡縣而言語各異重譯乃通人如禽獸長幼無別項鬻徒跣

以布貫頭而著之後頗徙中國罪人使雜居其間乃稍知言語漸見禮化錫光為太守於是教其耕稼制為冠履初設媒娉始知姻娶建立學校導之禮義

元始五年冬十二月王莽廢中山王后衛氏徙合浦

漢書后帝舅衛女也平帝以中山王入繼大統宗室子成都嗣中山王後寶女為成都后王莽殺衛氏屬免后桂陽太守鉅猛卒 漢書猛子期服喪三年徙合浦桂陽太守鉅猛卒 里稱之後期事光武有功行大將軍事封安成侯

謚曰忠其志義可稱云 新莽天秋七月置交趾牧 後改交州牧莽大夫揚雄

鳳元年 交州牧歲交州荒裔水與

天際越裳是南荒國之外受自開闢不羈不畔周
攝祚白雉是獻昭王陵遲周室是亂越裳絕貢荆楚
逆叛四國內侵蠶食周室臻于季祀遂以亡滅大
受命中國兼諫南海之宇聖武是恢稍稍受羈遂
黃支抗海三萬來牽其犀盛不可不憂隆不可不
顧瞻陵遲而忘其規摹亡國多逸豫而存國多患難泉
竭中虛池竭瀕乾牧
臣司交敢告執憲

世祖光武皇帝建武元年桂陽太守張隆取豫章

初宗室劉信為更始討平汝南因封為汝陰王信遂
將兵平定江南據豫章光武即位桂陽太守張隆擊
破之信乃
詣洛陽降

建武五年冬十二月交趾牧鄧讓率七郡守相遣使

入貢通鑑王莽末交趾諸郡閉境自守岑彭素與交
趾牧鄧讓厚善與讓昔陳國家威德又遣偏將

登武陵太守王堂桂陽太守張隆長沙相韓福零陵

太守田翕蒼梧太守杜穆交趾封交趾太守錫光為

列侯以任延為九真太守通鑑錫光者漢中人在交
趾教民夷以蚕穀帝後以

宛人任延為九真太守始制婚姻之禮教牂柯遣使

民以別種姓嶺南華風始盛於二守焉

從番禺江奉貢南越志番禺縣西有江浦通牂柯郡
曹謝暹保境為漢乃遣使從番
禹江奉貢光武嘉之並加褒賞

建武十二年交趾九真徼外蠻張游入貢漢書九真
徼外蠻里

張游率種人慕化內
屬封為歸漢里君

建武十三年九月交趾日南徼外蠻獻白雉白兔

建武十六年春交趾女子徵側徵貳反漢書徵側者
徵冷縣維將

之女也嫁為朱戴人詩索毒甚雄勇交趾太守蘇定
以法繩之側忿故反以其女弟徵貳為副於是九真

日南合浦蠻里皆應之凡累六十五城自立為王都
嚴冷交趾刺史及諸太守僅得自守帝乃詔長沙合
浦交趾具車船脩道
橋通障谿儲糧穀

建武十七年遣伏波將軍馬援討交趾漢書馬援為

軍段志等南擊交趾軍至合浦志病卒詔援并將其
兵遂沿海而進隨
山刊道千餘里

建武十八年春馬援擊徵側等於浪泊大破之漢書

浪泊上與徵側等戰大破之斬首數千級降者萬餘
人援追徵側等至禁谿數敗之賊遂散走○南越志
徵側等奔入金溪
穴中二年乃得之 罷州牧置刺史

建武十九年夏四月徵側徵貳伏誅漢書四月斬徵

陽封援為新息侯食邑三千戶援乃擊牛醴酒勞洛
軍士從容謂官屬曰吾從弟少游常衣吾縑慨多大

志曰士生一世但取衣食計足乘下澤車御款馬
郡掾吏守墳墓鄉里稱善人斯可矣致求自
苦耳當吾在浪泊西里間虜未滅之時下毒
氣薰蒸仰視飛鳥跼跼墮水中卧念少游平生時語
何可得也今賴士大夫之力被蒙大恩猥先諸君舒
佩金紫且喜且慚吏士皆伏稱萬歲援將樓船大小
三千餘艘戰士二萬餘人擊九真徵側餘黨都羊等
自無功至居風斬獲五千餘人羊等皆降騎南悉平
援奏言西于縣戶有三萬二千遠界去庭千餘里請
分爲封溪望海二縣許之援所過輒爲郡縣治城郭
穿渠灌漑以利其民條奏越律與漢律駁者十餘事
與越人申明舊制以約束之自後駱越奉行馬將軍
故事置臺志交趾既定海外慕義貢獻始
調立城郭置井邑復立珠厓縣屬合浦 九月馬援
討賊至九真建銅柱于林邑界交趾平

建武二十年秋馬援振旅而還漢書援振旅還京師

四賜援兵車一乘朝見位次九卿援好騎善射
名馬於交趾得駱越銅鼓乃鑄爲馬式還上之

顯宗孝明皇帝永明元年春賜交趾計吏金帛東觀漢記

交趾部刺史上計時張重仲篤者為日南計吏至京師帝訝其么麼問之曰何郡小吏重抗聲對曰臣日南計吏非小吏也陛下欲得其才邪抑將誦骨度肉也帝嘉其善對賜以金帛後重位至通顯

永明十七年春二月儋耳來獻漢書西南夷哀牢儋耳儋儋儋儋木白狼動

黏諸種前後慕義貢獻儋耳降附武始侯張奮來朝上壽

永明十八年以儋耳太守僮尹為交趾刺史

肅宗孝章皇帝建初八年開交趾入貢嶠道通鑑會稽鄭弘

為大司農時交趾七郡貢獻轉運皆從東治汎海而至風波艱阻沉溺相繼弘奏開零陵桂陽嶠道自是夷通遂為常路

元和元年春正月交趾日南徼外蠻獻生犀白雉漢書

日南徼外蠻夷究不事人邑蒙獻生犀白雉

孝和皇帝永和二年春三月詔減交趾茂才為四品

交廣記日南吳南舉茂才累年不遷有老母年九十有餘乃上書自乞減品為四百石長庶得其俸以養母詔聽除補南陽新蔡長遂以甫為准率減交趾茂才皆為四品自甫始也按漢制茂才三品得為令而長次

永元十二年夏四月交趾日南蠻反郡兵討破之漢書

日南象林蠻夷二千餘人寇掠百姓燔燒官寺郡縣發兵討擊斬其渠帥餘眾乃降於是置象林將兵長史以防其患尋賑貸日南貧民及孤寡羸弱不能自存者復詔象林民失農桑業者賑貸種糧廩賜下貧穀食久之又詔復象林縣更賦田租芻藁二歲

奮入對廣州先賢傳和帝時策問陰陽不和或水或旱方正鬱林布衣養奮字叔高對曰天有陰

陽陰陽有四時四時有政令春夏則予惠布施寬仁
 秋冬則剛猛威行賞罰殺生各應其時則陰陽和
 四時調風雨時五穀升今則不然長吏多不奉行時
 令為政舉事今逆天氣上不恤下下不忠上百姓困
 乏而不恤哀眾怨鬱積故陰陽不和風雨不特災害
 緣類水者陰盛小人居位依公營私讒言誦上雨漫
 溢者五穀有不升而賦稅不罷南海獻龍眼荔枝漢
 為咸百姓虛竭家有愁心也
 舊南海獻龍眼荔枝十里一置五里一猴晝夜傳送
 奔騰阻險死者繼路時臨武長汝南唐雒縣接南海
 上書曰臣聞上不以滋味為德下不以貢膳為功伏
 見交趾七郡獻生龍眼等鳥驚風發南州土地炎熱
 惡蟲猛獸不絕於路至於觸犯死亡之害死者不可
 復生來者猶可救也此二物升殿未必延年益壽帝
 下詔曰遠國珍羞本以薦奉宗廟苟有
 傷害豈愛民之本其勅太官勿復受獻

孝安皇帝末初元年詔交趾開九真徼外境漢書九真

夜郎蠻夷舉土內屬開境千八百四丁里

末初三年秋七月海賊張伯路等寇略緣海九郡遣

侍御史龐雄督州郡兵討破之

元初元年春三月己卯日南地坼漢書地坼長百八

月蒼梧鬱林合浦盜賊群起劫略吏民

元初三年春正月蒼梧鬱林合浦蠻反二月遣侍御

史任遠督州郡兵討之漢書遠奉詔救三月丙辰赦

蒼梧鬱林合浦南海吏人為賊所迫者○冬十一月

蒼梧鬱林合浦蠻降

延光元年八月辛卯九真言黃龍見○冬十二月九

真徼外蠻貢獻內屬

延光二年夏六月交趾言嘉禾生東觀漢記九真獻嘉禾百五十六本

七百六十八穗

延光三年夏日南徼外蠻內屬秋七月其豪帥入貢

延光四年夏五月壬辰桂陽太守文龔獻大珠詔還

之通鑑詔曰海內頗有災異朝廷修政太官減膳珍玩不御而桂陽太守文龔不惟竭忠宣奉本朝而

遠獻大珠以求幸媚今封以還之

孝順皇帝永建元年春正月詔交趾部賑貧窮

永建六年冬十一月日南徼外葉調國揮國遣使貢

獻東觀漢記葉調國王遣使師會詣闕貢獻以師會獻為漢歸義葉調邑君賜其君便及揮國王雍由等

金印紫綬十二月壬申客星出牽牛○象林蠻反

永和元年冬十二月象林蠻夷叛

永和二年夏五月日南象林蠻攻郡府交趾刺史樊

演發九真交趾兵救之○秋八月庚子熒惑犯南斗

九月二郡兵反漢書永和二年日南象林徼外蠻夷區隣等數千人攻象林縣燒城寺殺

長吏交趾刺史樊演發交趾九真二郡兵二萬餘人救之兵士憚遠役遂反攻其府二郡雖擊破反者而

賊執轉盛會侍御史賈昌使在日南即與州郡并力討之不利遂為所攻圍歲餘而兵穀不繼帝以為憂

永和三年夏六月九真太守祝良交趾刺史張喬招

日南叛蠻降之嶺外平漢書帝召公卿百官及四方

發荆陽交豫四萬人赴之大將軍從事中郎李固駁曰若荆陽無事發之可也今二州盜賊繁結不散武

陵南郡蠻夷未輯長沙桂陽數被徵發如復擾動必更生患其不可一也又交豫之人卒被徵發遠赴萬

里無有還期詔書迫促必致叛亡其不可二也南州
 水上濕暑加有瘴氣致死亡者十必四五其不可三
 也遠涉萬里士卒疲勞比至嶺南不復堪聞其不可
 四也軍行二千里為程而去日南九千餘里三百日
 乃到計人廩五升用米六十萬斛不計將吏驢馬之
 食但負甲自致費便若此其不可五也設軍到所在
 死亡必象既不足禦敵當復更發此為刻割心腹以
 補四支其不可六也九真日南相去千里發其吏民
 猶尚不堪何況乃苦四州之卒以赴萬里之艱哉其
 不可七也前中郎將尹就討益州叛羌益州諺曰虜
 來尚可尹來殺我後就徵還以兵付刺史張喬喬因
 其將吏旬月之間破殄虜寇此發將無益之効州郡
 可任之驗也宜更選有勇畧仁惠任將帥者以為刺
 史太守悉使共往交趾今日南兵單無穀守既不足
 戰又不能可一切徒其吏民比依交趾事靜之後乃
 命歸本還募蠻夷使自相攻轉輸金帛以為其資有
 能反間致頭首者許以封侯列上之賞故并州刺史
 長沙祝良性多勇決又南陽張喬前在益州有波虜
 之功皆可任用昔太宗就加魏尚為雲中守京帝即
 拜龍舍為太山太守宜即拜良等便道之官四府悉

從固議即拜祝良為九真太守張喬為交趾刺史喬
 至開示慰誘並皆降散良到九真單車入賊中設方
 畧招以威信降者數萬人皆為良築起府寺由是嶺外復平

永和五年春二月以交趾刺史張喬為執金吾漢書
 以喬行車騎將軍將兵屯三輔又明年冬十月罷

永和六年以交趾太守周敞為交趾刺史晉志交趾
 求立為州朝議不許即拜敞為交趾刺史

建康元年冬十月日南蠻復反交趾刺史夏方討平
 之以方為桂陽太守漢書日南蠻夷千餘人復攻燒

孝桓皇帝建和元年以高梁縣立高興郡
縣邑遂扇動九真與相連結交

梁太后臨朝美方之功遷為桂陽太守

永壽三年夏四月九真蠻叛都尉魏朗擊破之猶據

日南漢書居風令貪暴無度縣人朱達等及蠻夷相

聚攻殺縣令眾至四五千人進攻九真九真太

守兒式戰死詔賜錢六十萬拜子二人為郎遣九真

都尉魏朗討破之斬首二千級渠帥屯據日南眾轉

盛疆延熹二年復以夏方為交趾刺史冬十一月叛蠻降

漢書方威惠素著日南宿賊延熹五年夏五月長沙零陵賊起攻桂陽蒼梧南海

聞之二萬餘人相率詣方降交趾刺史侯輔出奔遣御史中丞盛修督州郡討之

不克通鑑長沙零陵賊合七八千人自稱將軍入桂

陽蒼梧南海交趾交趾刺史侯輔及蒼梧太守廿定望風逃奔賊遂冬十一月桂陽太守李溫會車

攻沒蒼梧取銅虎符

騎將軍馮緄大破蠻賊於零陵溫尋罷歸

延熹六年春馮緄軍還夏四月賊復寇桂陽太守廖

析出奔漢書長沙武陵蠻並冬十一月南海賊寇郡

皆降散聞軍還復聚界通鑑桂陽賊李研等寇鈔荆部州郡不能禁武陵

蠻復反零陵太守陳球武陵太守陳奉討平之而州兵朱蓋等反與桂陽賊胡蘭數萬人

轉攻零陵已而蘭蓋皆降南海賊亦起

延熹七年夏五月桂陽賊胡蘭朱蓋等復反中郎將

度尚擊破斬之桂陽太守任胤坐避敵棄市漢書蘭

蓋等復反攻沒郡縣轉寇零陵太守陳球拒之遣中郎將度

尚長沙太守抗徐等擊蘭蓋大破斬之蒼梧太守張

叙為賊所執又桂陽太守任胤背敵

畏懦皆棄市賊遂轉寇南海陷之秋七月荊州刺

史度尚討零陵桂陽盜賊及蠻夷大破之至南海餘

寇悉平 漢書桂陽蒼梧南海三郡皆沒於賊遣御史中丞盛修募兵討之不能剋豫章艾縣人六百餘人應募而不得賞直怨恚遂反燒長沙郡縣寇

盜陽殺縣令衆漸盛又遣謁者馬睦督荊州刺史劉度擊之軍敗陸度奔走桓帝詔公卿舉任代劉度者尚書朱穆舉尚自右校令擢為荊州刺史尚躬率部曲與同勞逸廣募雜種諸蠻夷明設購賞進擊大破

之降者數萬人桂陽宿賊渠帥上陽潘鴻等畏尚威烈徙入山谷尚窮追數百里遂入南海破其三屯多獲珍寶而陽鴻等黨衆猶盛尚欲擊之而士卒驕富

莫有閭志尚計緩之則不戰逼之必逃亡乃宣言上陽潘鴻作賊十年習於攻守今兵寡少未易可進當

須諸郡所發悉至爾乃并力攻之申令軍中恣聽射獵兵士喜悅大小皆相與從禽尚乃密使所親客潛

焚其營珍積皆盡獵者來還莫不泣涕尚人人慰勞深自咎責因曰上陽等財寶足富數世諸卿但不并

力耳所亡少何足介意衆聞咸憤踊尚勅令秣馬蓐食明日徑赴賊屯陽鴻等自以深固不復設備更

士乘銳遂大破平之嘗封度尚為右鄉侯遷桂陽太守

出兵三年群寇悉定

封度尚為右鄉侯遷桂陽太守

出兵三年群寇悉定

守 漢書明年徵還京師

延熹八年春正月桂陽賊入蒼梧執交趾刺史葛祗

及祗皆為賊所拘略 夏五月徵交趾刺史張磐下廷

漢書度尚上言蒼梧賊入荊州界於是徵交趾刺

尉史張磐下廷尉辭狀未正會赦見原實不肯出獄

方更牢持械節獄吏謂磐曰天恩曠然而君不出何

乎磐因自刎口前長沙賊胡蘭作難荊州餘黨散入

交趾磐因嬰甲冑涉危履險討擊凶患斬於渠帥餘

盡為窟窟遁遂荊州刺史度尚懼磐先言怖畏罪戾

伏奏見誣磐備位方伯為國牙爪而為尚所枉受罪

牢獄夫事有虛實法有是非磐實不辜赦無所除而

忍以苟免永受侵辱之耻生為惡吏死為敝鬼乞傳

尚請廷尉面對曲直足明真偽尚不徵者磐埋骨牢

檻終不虛出望塵受枉廷尉以其狀上詔書徵尚到

廷尉辭窮受罪以先有功得原磐字子石丹陽人以

清白稱終於

廬江太守

日南徼外大秦來獻

漢世惟一通焉

孝靈皇帝建寧元年改高與郡為高涼梁涼通用蓋因故高涼縣

建寧三年鬱林烏潯民相率內屬漢書鬱林太守谷永以恩信招降烏潯

潯人十餘萬內屬皆受冠帶開置七縣○烏潯南方夷號也廣州記其俗食人以鼻飲水口中進飲如故

南州異物志交廣之界民曰烏潯其界在廣州之南交州之北恒出間道伺候二州行旅有單迥輩者輒

出擊之利得人食之不貪其財貨也

熹平二年冬十二月日南徼外國重譯貢獻

光和元年春正月合浦交趾烏潯蠻叛漢書招引九真日南民攻

沒郡縣

光和三年秋七月桂陽賊攻郡縣零陵太守楊璇討

平之通鑑蒼梧桂陽賊攻郡縣零陵太守楊璇制馬車數十乘以排囊盛石灰於車上繫布索於馬

尾又為兵車專鼓弓弩及戰令馬車居前順風鼓吹賊不得視以火燒布然馬驚奔突賊陣因使後車

引弩亂發鉦鼓鳴震群盜波駭破散追逐傷軼無數梟其渠帥郡境以清荆州刺史趙凱誣奏璇實非身

親破賊而妄有其功璇與相章奏凱有黨助遂檻車徵璇防禁嚴密無由自訟乃噉臂出血書衣為章具

陳破賊形勢乃言凱所誣狀替令親屬詣闕通之詔書原璇拜議郎凱受誣人之罪璇扶之子也

光和四年南海太守孔芝反夏四月交趾刺史朱儁

討合浦交趾烏潯蠻破之漢書儁除蘭陵令政有異能為東海相所表會交趾

部羣賊並起牧守輒弱不能禁又交趾賊梁龍等萬餘人與南海太守孔芝反叛攻破郡縣光元年即

拜儁交趾刺史令過本郡簡募家兵及所調合五千人分為兩道而入既到州界按甲不前先遣使詣郡

觀賊虛實宣揚威德以震動其心既而與七郡兵俱進逼之遂斬梁龍降者數萬人旬月盡定以功封都

亭侯千五百戶賜黃金五十斤

孔芝伏誅

徵為諫議大夫○語在名宦傳

光和六年春正月日南徼外國重譯貢獻

中平元年夏六月交趾屯兵反執合浦太守來達刺

史賈琮降之漢書舊交趾土多珍產明璣翠羽犀象

史率多無清行上承權貴下積私賄財計盈給輒復

求見遷代故吏民怨叛中平元年交趾屯兵反執刺

史及合浦太守來達自稱柱天將軍靈帝特勅三府

精選能吏有司舉琮為交趾刺史琮到部訊其反狀

咸言賦歛過重百姓莫不空單京師遙遠告寃無所

民不聊生自活故聚為盜賊琮即移書告示各使安

其資業招撫荒散蠲復徭役誅斬渠帥為大害者簡

選良吏試守諸縣歲間蕩定百姓以安巷路為之歌

曰賈父來晚使我先反今見清平吏不敢

敢飯在事三年為十三州最徵拜議郎

中平二年詔交趾茂才與中州同選一統志李淮交

刺史自吳南減品後人才不振進乃奏請交趾依中

州例貢士其後阮琴以茂才仕立同隸校尉人才得

與中州同選自進復之

中平三年春正月以交趾刺史丁宮為光祿勳漢書

元權沛國人為光祿勳三年代許相為

司空中平五年為司徒六年七月罷

中平四年春三月改刺史為州牧○冬十月零陵賊

觀鵠寇桂陽長沙太守孫堅擊斬之漢書鵠自稱平

天將軍為堅所

滅堅權之父也

孝獻皇帝初平元年以巫令士燮為交趾太守吳志

字威彥蒼梧廣信人也父賜桓帝時為日南太守燮

少游京師事穎川劉子奇治左氏春秋察孝廉補尚

書郎公事免官父賜喪闋後

舉茂才除巫令遷交趾太守

建安元年夷賊殺交趾刺史朱符漢書會稽朱符至

州多以鄉人虞褒

劉彥之徒分作長吏侵虐百姓疆賦於民黃魚一枚收稻一斛百姓怨叛山賊並出攻州突郡符走入海流離喪亡復交趾太守士燮署其弟壹為合浦太守為夷賊所殺

武為南海太守吳志交州刺史朱符為夷賊所殺州郡擾亂燮乃表壹領合浦太守燮體氣徐聞令勸領九真太守勸弟武領南海太守燮體氣寬厚謙虛下士中國士人往依避難者以百數耽玩春秋為之注解陳國袁徽與尚書令荀彧曰交趾士府君既學問優博又達於從政處大亂之中得保一郡二十餘年疆場無事民不失業羈旅之徒皆蒙其慶雖寶融保河西曷以加之官事小闕輒玩習書傳春秋左氏傳先簡練精微吾數以容問傳中諸疑皆有師說意思甚密又尚書兼通古今大義詳備聞京師古今之學是非忿爭今欲條左氏尚書長義上之其見稱如此燮兄弟並為列郡雄長一州偏在萬里威尊無上出入聞鐘磬備具威儀笳鼓吹車騎蒲道胡人夾轂焚燒香者常有數十妻妾乘輜輶子弟從兵騎當時貴重震服言蠻尉佗不足踰也武先病沒

建安二年以張津為交趾刺史

漢書註南陽張津代符為刺史貪鄙雖不

類符而狠戾酷似與荆州刺史劉表為隙時董卓將李催作亂表與催通好由是表益得志兵弱敵強歲輒與軍諸將厭患由是去留見在不用津命

建安三年荆州賊劉表殺前桂陽太守張羨

漢書劉表魯恭

王之後也時江南宗賊大盛表慮袁術困之乃諭群盜悉降李催以表為荆州牧張羨先作零陵桂陽太守甚得江湘間心及遷長沙遂率零陵桂陽三部討袁以催國賊也表遣兵攻圍破羨殺之於是開土遂廣南接五嶺北據漢川地方數千里帶甲十餘萬

建安八年改交趾為交州增置州牧

交廣記刺史張津令交趾太守

士燮表言伏見十二州皆稱曰州而交獨為交趾刺史何天恩不平乎若普天之下可為十二州獨不可為十三州乎臣昧死以請詔報聽許賜交州牧使持節給鼓吹交廣記詔書拜

津交州牧以州邊遠使持節并七郡皆受鼓吹以重威鎮加以九錫彤弓彤矢及六佾之舞禮樂征伐威鎮南夏與中州方伯齊同自津始也南方草木狀津嘗以益智粽餉曹操惡之

建安十二年交州牧張津為其將區景所殺劉表遣

賴恭代之詔以交趾太守士燮為綏南中郎將董督

七郡通鑑津好鬼神舍前聖典訓廢漢家法律常著其將區景所殺津與朱符皆少檢攝威武不足為下

所侮遂至於敗荆州牧劉表遣賴恭代津是時蒼梧

太守史璜死表又遣吳巨代之與恭俱至獻帝聞津

死賜燮璽書曰交州絕域南帶江海上下恩不宣下義

壅隔知逆賊劉表又遣賴恭關看南上今以燮為綏南中郎將董督七郡領交趾太守如故後遂遣吏張

請京都吳奉貢建安十四年以士燮為安遠將軍封龍度亭侯吳志

天下喪亂道路斷絕而燮不廢貢職特復下詔拜安遠將軍封龍度亭侯

建安十五年徙交州刺史治南海交廣春秋交州初治羸陵縣元封五

年治南海郡番禺縣孫權以番陽太守步騭行交

州刺史吳志騭始為權書記後領番陽太守歲中徙交州刺史立武中郎將領武射吏千人便道

南

建安十六年劉表將吳巨逐賴恭奔零陵吳志恭零陵人仁謹

不知時事表又遣長沙吳巨為蒼梧太守巨武夫不為恭服恨而舉兵逐之於是恭奔歸零陵以會步騭

步騭殺吳巨及其都督區景遂入南海交廣春秋時

梧太守長沙吳巨擁眾五千騭有疑於巨先使喻巨

巨迎之於零陵遂得州巨既納騭而後有悔騭以兵少恐不存立巨有都督區景勇畧與巨同土樂為用

騭惡之陰使人請巨巨往告景勿誚騭騭請不已景

又性乃於聽事前中庭俱斬以首狗眾
要敗績死之交廣春秋步騭殺吳巨區景使嚴舟松合兵二萬下取南海蒼梧人衛毅錢博宿部伍與軍逆騭於蒼梧高要嶮口兩逢於是遂與交戰毅與眾投水死者千餘人

建安十八年春正月庚寅并交州以屬荊州

建安十九年夏五月孫權取桂陽郡吳志權以劉備已得益州使魯

肅以萬餘人屯巴丘以禦備將關羽備懼失益州遣使求和權令諸葛瑾報更尋盟好遂分荊州長沙江夏桂陽以東屬權南郡零陵武陵以西屬備

建安二十二年刺史騭築州城

延康元年孫權徵步騭還以呂岱為交州刺史交趾

太守士燮高涼帥錢博降吳志騭將交州義上萬人出長沙會劉備東下武陵

蠻夷蠢動權逆命騭上益陽備既敗績而陵桂諸郡南者皆拜中郎將燮又誘導益州豪姓雍闓等率郡人使搖東附權益嘉之遷衛將軍封龍編侯弟壹偏將軍都鄉侯燮每遣使詣權致雜香細葛輒以千數明珠大貝琉璃翡翠時貢耳比數百匹權輒為椰龍眼之屬無歲不至一特貢耳比數百匹權輒為書厚加寵賜以谷慰之時錢博據高涼亦乞憐岱因承制以博為高涼西郡都尉又鬱林夷賊攻園州縣岱討之桂陽汝陽賊王金寇南海刺史岱討平之吳志汝陽賊王金合眾於南海界上首亂為害權又詔岱討之生縛金博送詣都斬首獲生凡萬餘人遷安南將軍假節封都鄉侯

昭烈皇帝章武元年帝在蜀以康降都督李恢持節

領交州刺史入于平夷廣州平夷縣與蜀江通故曹恢遙領交州至平夷住焉

不以吳王孫權為大將軍使持節督交州領荊州牧

事魏主曹丕求珠貝于吳通鑑魏文帝遣使求雀頭

吳群臣曰荆揚二州貢有常典魏所求珍玩之物非

禮也宜勿與吳王曰方有事於西北江表元元恃主

為命彼所求者於我瓦石耳孤何惜焉且彼在諒

間之中而所求若此寧可與言禮哉皆具以與之

章武二年吳大帝孫權吳建國復置交州吳志權以

多未平集內難未弭故權甲辭上書求自改厲若罪

在難辭必不見置當奉還土地人民乞寄命交州以

終餘年魏主優詔報之蓋權時為漢帝所

伐故臣於魏已而改元黃武臨江拒守

漢帝禪建興四年吳黃武吳交趾太守士燮卒吳志

年九十權以燮子徽為安遠將軍秋七月吳交州蒼

領九真太守以校尉陳時代燮

梧言鳳皇見吳以交州三郡為廣州以呂岱為刺史

吳志權因岱表言交趾縣遠乃分合浦以北為吳交

趾亂刺史岱討平之除廣州復為交州吳志呂岱

時俱前行到合浦而燮子徽自署交趾太守發宗兵

拒良良留合浦交趾桓鄰舉吏也叩頭諫徽使迎

良徽怒答殺鄰鄰兄治子發又合宗兵擊徽徽閉門

城守治等攻之數月不能下乃約和親各罷兵還而

呂岱被詔誅徽自廣州將兵晝夜馳入過合浦與良

俱前壹子中郎將巨與岱有舊岱署巨師友從事先

移書交趾告喻禍福又遣巨見徽說令服罪雖失邵

終保無他憂岱尋巨後至徽兄祗弟幹頌等六人肉

袒奉迎岱謝令復期前至郡下明旦早施帳幔請徽

兄弟以次入賓客滿座岱起擁節讀詔書數徵罪過

左右因反縛以出即皆伏誅傳首詣武昌徵大將其

醴桓治等率吏民攻岱奮擊大破之於是除廣州

復為交吳封刺史岱為番禺侯吳志岱既定交州復

又遣從事南宣國化暨徽外扶南林邑堂明

諸王各遣使奉貢權嘉其功進拜鎮南將軍

建興六年 吳黃武 吳改合浦為珠官郡

建興七年 吳黃龍 詔以交州屬吳徵李恢還

建興九年 吳黃龍 吳召刺史岱還 薛綜懼繼岱者非

其人上疏曰昔帝舜南巡卒於蒼梧秦置桂林南海象郡然則四國之內屬也有自來矣趙佗起番禺懷服百越之君珠官之南是也漢武帝誅呂嘉開九郡設交趾刺史以鎮監之山川長遠習俗不齊言語同異重譯乃通民如禽獸長幼無別推結徒洗貫頭左衽長吏之設雖有若無自斯以來頗徙中國罪人雜居其間稍使學書粗知言語使驛往來觀見禮化及後錫光為交趾任延為九真太守乃教其耕犁使之冠履為設媒官始知娉娶建立學校導之經義由此以降四十餘年頗有似類自臣昔客始至之時珠崖除州縣嫁娶皆湏八月引戶人民集會之時男女自相可適乃為夫妻父母不能止交趾麓冷九真都隴三縣皆兄死弟以妻其嫂世以此為俗長吏恣聽不能禁故曰南郡男女僕體不以為羞由此言之可謂

蟲豸醜面目耳然而上廣人眾阻險毒害易以為亂難使從治縣官羈縻示令威服田戶之租賦裁取供辦貴致遠珍名珠香藥象牙犀角瑁珊瑚琉璃鸚鵡翡翠孔雀奇物充備寶玩不必仰其賦入以益中國也然在九甸之外長吏之選類不精覈漢時法寬多自放恣故數反違法呂岱既至有士民之變越軍南征平討之日改置長吏章明王綱威加萬里大小承風猶此言之綏邊撫裔實有其人牧伯之任既宜清能荒流之表禍福尤甚今日交州雖名粗定尚有高涼宿賊其南海蒼梧鬱林珠官四郡界未綏依作寇盜專為亡叛逋逃之藪若岱不復南新刺史宜得精密檢攝八郡方畧智計能稍稍以漸能治高涼者假其威寵借之形勢責其成效庶幾可補復如但中人近守常法無奇數異術者則羣惡日滋久遠成害故國之安危在於所任不可不察也竊懼朝廷忽輕其選故敢竭愚情以廣聖思

建興十三年 吳嘉禾 魏以馬易珠翠於吳 吳志魏使

而可得馬何苦而不聽其交易 吳以呂岱為交州

牧

建興十四年吳嘉禾五年二月吳交州牧岱討南海賊羅

厲斬之吳志將軍唐咨獲厲

建興十六年吳赤烏元年蒼梧錢博降于吳以博為高涼

都尉置高涼郡

延熙三年吳赤烏三年吳交州將廖式反州牧岱及將軍

唐咨討平之

延熙五年吳赤烏五年秋七月吳討珠厓儋耳吳志秋七月遣將軍

聶友校尉陸凱以兵三萬討珠厓儋耳除友珠厓太守凱遷為

校尉吳以鍾離牧為南海太守討高涼揭陽賊降之

吳志高涼越率仍弩等破畧百姓殘害吏民牧越界
據討旬日降服又揭陽縣賊率曾夏等衆數千歷十
餘年以侯爵雜緝千匹下書購募絕不可得牧遣使
慰譬悉皆首服自改為良善始興太守羊銜與太常
滕胤書曰鍾離子幹吾昔知之不熟及見其在南海
威恩部伍智勇分明加操行清純有古人之風其見
貴如此在郡四年以疾去職

延熙八年吳赤烏八年吳徵太守牧為丞相長史

延熙十一年吳赤烏十一年吳以陸胤為交州刺史九真交

趾夷賊降吳志交趾九真夷賊攻沒城邑交部騷動

以恩信務崇招納高涼渠帥黃吳等支黨一千餘人
皆出降引軍而南重宣至誠遺以財幣賊帥百餘人
民百萬餘家深幽不羈莫不稽顙交域清泰就加安
南將軍復討蒼梧建陵賊破之前後出兵八千餘人

軍用刺史胤帥師次于南海浚其溪語在本傳

延熙十七年吳主孫亮五年吳交趾稗草化為稻

景耀元年吳景帝孫休永安元年吳徵刺史胤為西陵督

景耀四年吳永安四年秋九月吳交州布山言白龍見

景耀五年吳永安五年吳使察戰調交趾孔爵大豬吳志察戰

官名○晉書時交趾太守孫翊貪暴為百姓所患會察戰鄧荀至擅調孔雀三千頭遣送秣陵民苦遠役因謀作亂郡吏呂興殺請及荀遣使請太守及兵於吳九真日南皆應之

炎興元年吳永安六年春二月吳立合浦北部晉書吳復合浦郡名

分立北部以都尉領之夏五月吳交趾郡吏呂興反降魏晉書魏以

其功曹李統所殺冬魏滅漢以漢建寧太守霍弋

為平南將軍遙領交州刺史晉書初蜀以李恢為交州刺史

至是魏平蜀以蜀建寧太守霍弋遙領交州得以便宜選用長吏弋受命與諸將盟誓取交廣遣楊稷毛

吳等茂

吳永安七年秋七月復分交州置廣州此後交州事始不書

吳主孫皓春魏置交趾太守遣將軍霍弋經畧交廣

通鑑魏遣將軍霍弋自寧州遣交趾太守楊稷等經畧交廣按葉榆諸水皆出寧州界入交廣水陸並通

故冬十月魏交趾太守楊稷遣毛吳董元攻合浦通鑑

也吳交州刺史劉俊大都督脩則將軍顧容前後三攻

交趾太守楊稷皆拒破之鬱林九真皆附於稷

稷遣將軍毛吳董元攻合浦戰于古城大破吳兵殺

劉俊脩則餘兵散還合浦稷表吳為鬱林太守元為

太守九真太守吳甘露元年冬十一月吳以桂陽南部為始興郡是歲晉受禪

吳建衡元年冬十一月吳遣監軍虞汜等帥師往合浦擊

交趾吳志遺汜及威南將軍薛瑒蒼梧太守陶璜由

浦擊交趾吳志遺汜及威南將軍薛瑒蒼梧太守陶璜由

吳建衡三年春三月吳蒼梧太守陶璜破交趾執晉守將

楊稷毛吳稷死于合浦吳志璜破交趾禽殺晉所置

稷等城中食盡死亡者半將軍王約反降吳人得入

城獲稷吳皆囚之稷至合浦歐血死璜以吳壯勇欲

赦之吳前殺脩則則子允固求殺吳吳亦

不為黃屈乃斬之奏以允為合浦太守

吳天紀三年夏吳廣州督將郭馬等反殺廣州督虞授秋

八月遂刺史徐旗殺南海太守劉略吳遣將軍領廣

州牧滕脩討之吳志馬本合浦太守脩允部曲督

轉桂林太守疾病住廣州先遣馬將

五百兵至郡安撫諸夷允死兵當分給馬等累世

軍不樂離別皓時又科實廣州戶口馬與部曲將何

典王放吳述殷興等因此恐動兵民合聚人眾攻殺

廣州督虞授馬自號都督交廣二州諸軍事安南將軍

執金吾滕脩為司空未拜轉鎮南將軍假節領廣州

牧率萬人從東道討馬與族遇於始興未得前馬殺

南海太守劉畧逐廣州刺史徐旗又遣徐陵督陶濬

將七千人從西道命交州牧陶璜部伍所領及合浦

鬱林諸郡兵黨與東西軍共擊之○漢晉春秋先是

吳有說讖者曰吳之敗兵起南裔亡吳者公孫也皓

聞之文武職位至于卒伍有姓公孫者皆徙於廣州

不令停江邊及聞焉


論曰周為天子二十餘世其經制之道至備矣而嶺

外可見者紀述止於如此然觀其疆理之迹招徠之

道其王者必世之仁乎秦人虐用其民僵尸流血越

人則皆叢伏而鳥翔漢興馳一介之使而趙佗匍伏
稽首惟恐後者仁與不仁之異也建元元鼎之間因
其饒裕與師取之以中國而勞蠻夷固不勝其窮黷
之悔矣光武閉關以威德檄交趾復珠厓其亦懲前
事之失乎大抵兩漢禁網踈濶吏情精核治日多而
亂日少天下受其賜非獨嶺海爲然也炎祚既移魏
不能踰中原而有之則舍蜀而屬於吳亦以其境之
邇焉爾亂生督將亦因民心易曰何以守位曰仁孫
卿曰不利而利之不如利而後利之之利也其是之
謂乎

贊曰周建民極疆理蠻揚奕世郅隆貢及越裳明淑
而昌逆失而亡觀於秦漢仁寔勝疆鼎分境迫乃屬
吳邦



廣東通志

卷三

三

廣東通志卷第三

